



Inatsisartunut ilaasortamut  
Aqqa Samuelsenimut  
Inuit Ataqtigiit

**Danmarkimut saaffiginnissummut tunngatillugu meeqqat inuusuttullu  
suliniaqatigiiffiisa ilanngutitinnerqarnerat pillugu apeqqummut nr. 2019-311-imut  
akissut**

Asasara Aqqa Samuelsen

Apeqqutinnut qujanaq. Apeqqutitit ataani issuarneqarput, kingornagullu akissummik malitseqarlutik.

- 1. Dansk it naalakkersuisuinut ikiorneqarnissamut noqqaassuteqarnermi dansk it naalakkersuisuinut isumaqatiginninniarnermi meeqqat inuusuttullu pillugit Suliniaqatigiiffiit isumaat tusarniaaffigineqarsimappat?**
  - a. Akissut naamiuppat: Suna pissutigalugu meeqqat inuusuttullu pillugit Suliniaqatigiiffiit tusarniaaffigineqarsimangillat?**

Isumaginninnermut suliassa qarfimmi suliaqartut, matumani meeqqat inuusuttullu suliniaqatigiiffii assigiinngitsorpasuit ilanngullugit, ilanngutitinnerqarnissaat pingaaruteqartoq Naalakkersuisut isumaqarput.

Maajimi 2019-imi meeqqat inuusuttullu sumiginnarneqartarnerat akiorniarlugu Naalakkersuisut iliuusissanut pilersaarutaata aamma Inuunerittap suliarineqarneri pillugit isumasioqatigiissitsinnermut meeqqat inuusuttullu suliniaqatigiiffii arlallit qaaqquneqarput.

Isumaginninnermut Inatsisinillu Atuutsitsinnermut Naalakkersuisoqarfimmi ulloq 8. april 2019 ataatsimiinnermi meeqqat inuusuttullu suliniaqatigiiffii arlallit qaaqquneqarput, meeqqanut inuusuttunullu suliassa qarfimmi Naalakkersuisut sulinerat pillugu ilisimatitsissuteqarpunga suleqatiserinnillungalu.

Københavnimi oktobarip naalernerani Mary-fonden suleqatigalugu isumasioqatigiissitsineq ingerlatissavarput. Naalakkersuisut sulinerat tapersorsorniarlugu NGO-t fondillu ikiuussinnaanernut periarfissat sammineqassapput. Tassannga ilanngussat siumut sammisumik sulinitsinni ilanngunneqarnissaat allattoqarfimma qulakkissavaa.

Meeqqat Inuusuttuaqqallu pillugit Suliniaqatigiiffik, NGO-nik arlaliusunik peqataaffigineqartoq, suleqatigiinnissaq pillugu Naalakkersuisunut 2019-imi juulimi saaffiginnipput. Augustimi akuersaartumik akissuteqarpunga.

Dansk it oqartussaasuunik suleqateqarnerup ingerlanissaanut pilersaarut erseqqinnerusoq naammasseriarpat, Meeqqat Inuusuttuaqqallu pillugit Suliniaqatigiiffiup aammattaaq

07-10-2019  
Sullap nr. 2019 - 21410  
All. 11739584

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigasuaat +299  
34 66 66  
E-mail: [ian@nanoq.gl](mailto:ian@nanoq.gl)  
[www.naalakkersuisut.gl](http://www.naalakkersuisut.gl)

peqataatinneqalernissaa sulissutigissavara.

**2. Meeqqat inuusuttullu pillugit Suliniaqatigiiffiit meeqqanut suliniutinut tunngatillugu suleqatigineqarnissaannut Naalackersuisut qanoq pilersaaruteqarpat?**

Siuliani akissutigineqartut innersuussutigineqarput.

**3. Danskit naalackersuisuinut ikiorneqarnissamut noqqaassuteqarnermi danskit naalackersuisuinut isumaqatiginninniarnermi meeqqat ikiorneqarnissaannut pisariaqartitaannut naapertuuttuunissaa qanoq qulakkeerniarneqarpa?**

Naalackersuisut qallunaat oqartussaasuinut saaffiginnitsinnagit, Naalackersuit, Qitiusumik Pinaveersaartitsinermut ataatsimiittitaliaq aamma nunatsinni borgmesterit tallimaasut meeqqanut inuusuttunullu suliasaqarfimmi pisariaqartinneqartut aalajangersimasut pillugit ataatsimeeqatigineqarsimapput, soorlu NAKUUSAp suliai Naalackersuisut saaffiginnissutaani ilisimasanut tunuliaqutaasunut ilaasut.

**4. Meeqqat maannakkorpiaq ikiorneqarnissaannut suliniutit suut aallartereerpat?**

**a. Akissut naamiuppat: Sooq ikiuinerit sulii aallartinneqarsimangillat?**

Meeqqat inuusuttullu navianartorsiortut pillugit suleqatigiinnerup patajaallisarneqarnissaa pillugu Naalackersuisut kissaataat Folketingip akuersaarpaa. 2019-imi pilertortumik ikiuunnissamut atorineqartussat ulloq 26 septembari 2019-imi 5,3 mio kr.-nit Folketingip immikkoortippai.

Aningaasat ukununga atorineqassapput:

- Pinasuurtumik sulisussat, isumaginninnermut siunnersortinik, tarnip pissusaanik ilisimasalinnik aamma ilaqutariinnik katsorsaasartunik inuttaqartut, Tasiilami meeqqat inuusuttullu navianartorsiortut pillugit sullissinermi malitseqartitsinermilu ikiuussinnaasut.
- Kalaallit Nunaani tamarmi meeqqanut inuusuttunullu kinguaassiuutitigut atornerlunneqarsimasanut katsorsaanssamik suliniuteqarnermik patajaallisaaneq.
- Kalaallit Nunaanni ilaqutariinnik paarsisartunik suliasaqarfimmik misissueqqissaarneq.

Suliniutinik assigiinngitsorpasuarfik Naalackersuisut aamma nammineerlutik suliniuteqarsimapput. Taakkua Pitsaaliuinnermut Isumaginninnermullu Aqutsisoqarfimmit neqeroortigineqassapput aallartinneqarlutilluunniit, ilaatigut:

- Ingerlaavartumik kommuninik siunnersuineq, tassani piginnaangorsaqqiineq siunnersuineqatigiissitsisarnerlu ukkatarineqarlutik.
- Meeqqat peqataatinneqartarnerat meeqqallu oqaloqatigineqartarnerat pillugit kommunini tamani piginnaangorsaqqiineq
- Kinguaassiuutitigut atornerluisoqarsimatillugu suliani kommunini ikorfartuinissanut suleqatigiinnik pilersitsineq
- Meeqqat ikiortigit suleqatigalugu killiliisarneq pillugu ilinniutinik ineriartortitsineq
- Angajoqqaanik ilinniartitsinerup MANU-p Tasiilami ingerlanneqarnera
- Killiliisami Maligassuisut pilersinneqarnerat, taakku nuna tamakkerlugu angalasarput

- Inunnut kannguttaatsuliornissamik eqqarsaateqartunut sulili kannguttaatsuliorsimangitsunut nunamut tamarmut kinaassutsimik isertorluni tapersorneqarneqarsinnaanermik- katsorsarneqarsinnaanermillu neqerooruteqarnissamik ineriartortitsineq
- Meeqqanut inuusuttunullu meeraqatiminnut inuusuttoqatiminnullu kannguttaatsuliorsimasunut suliniutit
- Suliniutissat ineriartortinneqarnerini piffinni pissutsit aallaavigineqarnissaasa ukkatarineqartarnerat
- Innuttaasunut internettikkut quppersakkamik pilersitsineq, tassani peqqinnerusumik inuuneqarnissaq ukkatarineqarluni
- Tusaanngap ammasarfiisa sivitsornerat
- Tunumi Tusaannga-p pilersinneqarnera

##### **5. Siunissaq ungasinnerusq isigalugu meeqqat ikiorneqarnissaannut qanoq pilersaaruteqartoqarnerisq Naalackersuisut tunngavilersuisinnaappat?**

Meeqqat inuusuttullu sumiginnarneqartarnerat akiorniarlugu Naalackersuisut iliuusissanut pilersaarutaat Inatsisartut ukiakkut ataatsimiinneranni 2019-imi agguanneqassaaq.

2019-imi Danmarkimit pinasuartumik ikiunnerup saniatigut, Kalaalit Nunaata Danmarkillu akornanni oqartussaasoqarfiit assigiinngitsunik suliallit akornanni suliassaqarfimmik misissueqqissaarnissaq pillugu qallunaat naalackersuisui Naalackersuisullu suleqatigiinneq aallartinniarlugu aalajangiipput, aamma taakku Tasiilami Kalaallit Nunaatalu sinnerani meeqqanut inuusuttunullu navianartorsiortunut siunissaq ungasinnerusq eqqarsaatigalugu pissutsit qanoq ilillutik pitsangortinneqarnissaat pillugu 2020-imi ukiup affaani siullermi innersuussuteqassapput.

Massakkut suliarisassat allassimaffiat suliap ingerlaqqinnissaanut sinaakkusiissussaq naammassiniarlugu suliarineqaleruttorpoq.

Tasiilami Kalaallit Nunaatalu sinnerani meeqqanut inuusuttunullu navianartorsiortunut pissutsit qanoq pitsaanerulersinneqarsinnaanersut pillugit siunissaq ungasinnerusq eqqarsaatigalugu aqqiissutissanik siunnersuuteqarnissaq aamma innersuussuteqarnissaq suliama misissueqqissaarnermilu siunertarineqarpoq. Suliassaqarfiit immikkuullarissut arlallit akornanni ilaqutariinnut ataatsimoortumik isiginnilluni aqqiissuteqarnissanut siunnersuuteqarnissaq sulinerup inernerissavaa. Suliniuteqarnerit aallartinneqareersut pilersaarutaasullu, matumani isumaginninnermut inatsiseqarnermullu suliassaqarfimmi suliniutit ilanngullugit, siunissami suliaqarnermut ilanngunneqarnissaat sulinerup inernerissavaa. Aqqiissutissanut siunnersuutit aamma innersuussutit, naalagaaffeqatigiinnerup iluani piginniaatitsinerup agguarneqarnerata iluani namminersorlutik oqartussanit aamma kalaallit nunaanni kommuninit ingerlateqqillugit kivinneqarsinnaanissaat naatsorsuutigineqarpoq. Aamma aqqiissutissatut siunnersuutinut innersuussutinullu il. il. pillugit kalaallit kommuniisa aalajangersimasumik kissaataat sulinermi ilanngunneqassapput. Aammattaq meeqqanut inuusuttunullu suliassaqarfimmi NGO't suliama ilanngutitineqassapput.

**6. Nunatsinni meeqqat ikiorneqarnissaannut aningaasartuutaasussat pillugit Naalakkersuisut paasissutissiisinnaappat?**

Meeqqanut ikiorsiissutitut aningaasartuutit annertussusiat pillugu naatsorsuinerit pigineqanngillat.

**7. Naalakkersuisut danskit naalakkersuisuinit meeqqat ikiorneqarnissaat pillugu qanoq isumaqatigiissuteqarpat?**

- a. Isumaqatigiissuteqartoqarpat imarisaa nassiuiaatigerusunneqarpa?**
- b. Naalakkersuisut danskit naalakkersuisuisalu meeqqat ikiorneqarnissaat pillugu qanoq suleqatigiinnissaq takorloorpaat?**

Apeqqummut 5-imut qulaani akissutigineqartoq innersuussuussutigineqarpoq.

Inussiarnersumik inuulluaqqusillunga

  
Martha Abelsen